

粵

海

關

志

粵海關志卷十七

禁令一

臣謹按禮記王制曰關執禁以譏則關之有禁
尙矣

國朝順治年間禁佛郎機人不許入廣東省會荷
蘭之入貢者亦祇令在館貿易其時海禁方嚴
也康熙二十三年始少爲變通而猶禁商船不
得往南洋及雍正五年

累洽重熙民殷物阜

世宗憲皇帝念中外一家特弛海禁於是東南舟楫之
區鯨波不驚商漁樂業荷蘭暹羅等國矯首面
內不憚超數十更以來其他小弱附景希光者
殆不可悉數於是緣其職貢以通其貨賄立之
期會以均其勞逸寬減稅額以豐其生息厚加
錫予以作其忠誠而又覈驗官符嚴詰姦宄弛
張互用畏慕滋深此我

朝市舶之所以盛也詳查各部則例所載禁令大
端不越官吏商販二者官吏之禁令或在於徇

玩或在於苛勒商販之禁令或在於漏匿或在於逗遛而闌入闌出之物稽覈尤嚴行之既久奉法惟謹近年以來獨以鴉片煙流毒中華上塵

聖慮臣隨同

欽使督撫諸臣實力稽查夷人震懾

天威呈繳煙土至二萬餘箱現復嚴立規條除惡務盡此實海關要務故於此篇詳載歷次辦理鴉片煙章程俾萬世有所遵循庶仰副

聖主培國本厚民生之至意焉

官吏禁令

一各關徵稅科則責令該管官詳刻木榜豎立
關口街市並責令地方官將稅則刊刷小本
每本作價二分聽行戶頒發遵照倘該管官
將應刊木榜不行設立或書寫小字懸於僻
處掩以他紙希圖高下其手者該督撫查叅
治罪地方官將應刊稅則不行詳校致有舛
漏或更扶同徇隱者並予嚴叅

一各關應徵貨稅均令當堂設櫃聽本商親自
填簿輸銀投櫃驗明放行其有不令商親填
者將該管官嚴加議處

一各關商填循環稽考三簿令各關照依部頒
冊式事由刊刷裝訂於面頁上鈐蓋關印僉
差送部由部鈐蓋堂印給發粵海關限關期
未滿九月以前赴部請領如有請領違限及
關期已滿冊檔未到擅用本關印簿登填者
照例嚴叅分別議處

一各關書吏如該監督於任滿時通情舉保畱
充各該撫查明叅奏議處倘有朋充戀棧按
律治罪失察之該管官一併懲處

一海洋貿易商船令報明海關監督及地方官
該地方官嚴查確係殷實良民取具保結准
其依式成造仍取具船主不得租與匪人甘
結將船身烙號刊名查明在船人口與例相
符填給執照於出口時呈官驗放若遇舵水
偶有事故許該船戶就近召募出具保結赴

該海關廳縣請驗照掛號回日覆驗銷號若有詭名頂冒失察情弊俱分別議處治罪

一澳門地方民人向許與夷商交易應責成澳門同知就近稽查出示嚴諭凡民人自與夷商買物不許使用官銀亦不許將官銀換給夷人查有前項情弊拘拏治罪如該同知漫無查察一經發覺即將該同知嚴參

一各國貨船所帶護貨兵船不許擅入十字門及虎門各海口如敢擅進守口員弁報明驅

逐停止貿易至夷船到口卽令先報澳門同知給與印照注明船戶姓名守口員弁驗照放行仍將印照移回繳銷如無印照不准進口所有夷商買辦之人由澳門同知選擇取具保結承充給予印照在澳門者由該同知稽查在黃埔者卽由番禺縣就近稽查如代買違禁貨物及勾通代僱民人服役查出治罪失察地方官查叅

一沿海內地米穀麥豆雜糧有偷運出洋接濟

奸匪及雖無接濟奸匪情弊而希圖厚利將米穀等出洋販賣者俱分別治罪船貨入官地方文武員弁知情賄縱者一併治罪失察者分別議處

一商民將內地頭蠶湖絲及紬緞綿絹私販出洋者照米石出洋例治罪船隻貨物八官失察之員弁議處

一商夷船隻將內地黃金紅黃銅斤銅器私販出洋者照鐵貨私出外洋律治罪關汛文武

員弁失察者議處賄縱者治罪若官弁兵役
借端勒指一併分別議處治罪

一各處洋船出口准帶煮食鐵鍋其有額外多
帶鐵鍋出洋者照廢鐵出洋例治罪沿海樵
採船隻每船止准帶鐵鍋一口每人止准帶
斧斤一把在船人數不得過十人令地方官
於照內注明出入查驗若有夾帶出口及進
口缺少者均嚴行究治官役徇縱一併究處

康熙五十年廣州將軍浙閩總督兩廣總督會

同議准洋船初造時報明海關監督地方官親
驗印烙取船戶甘結並將船隻丈尺客商姓名
貨物往某處貿易填給船單令沿海口岸文武
官照單嚴查按月冊報督撫存案每日食米人
各一升並餘米一升以防風阻如有越額之米
查出八官船戶商人同罪如將船賣與外國者
造船與賣船之人皆立斬所去之人畱在外國
將知情同去之人枷號三月該督行文外國將
畱下之人令其解回處斬沿海文武官如遇私

賣船隻多帶米糧偷越禁地等事隱匿不報從
重治罪

右狗玩之禁

一各關於額設口岸之外有濫差多役於近關
水岸各口四出擾民者該督撫察實題彙其
管關人役有巧立名色需索飯錢重戡苛收
者嚴拏究治計贓論罪監督縱容袒護督撫
卽行嚴叅督撫狗隱一併議處

一近關土豪革役冒充巡攔將不應納稅之物

勒索銀錢者許監督及地方員弁協摺究治
一各關商民輸稅填寫收稅紅單二紙一給商人一送部察核其有不給紅單或納銀數多給票數少及私將紅單撤回多徵勒索者許商民首告究擬

一沿海單桅捕魚船隻概免領牌納稅監督違例徵收該督撫題叅

一各省商稅銀兩均令按照額徵數目照例徵收造冊報部其有監收官員橫徵勒索及隱

匿侵蝕者卽行叅處

一凡海口外來船隻到岸以及各澳諸項小船
出入責令汛口員弁不時稽查如能盤獲私
米麥豆雜糧者准賞十分之三在洋拏獲者
給半其餘充公首報者賞亦如之若巡查兵
役有將居民食米指稱私積借端詐害者嚴
拏究治

一使臣出入關口通事及迎送守關官兵不得
索取土物陋規違者該管官叅處

右苛勒之禁

商販禁令

一客商漏稅照律治罪貨物一半入官若所漏之稅爲數無多分別議罰免其究治粵海關核計正稅在五錢以上者加罰一倍一兩以上者加罰兩倍二兩以上者加罰三倍三兩以上者加罰四倍四兩以上者加罰五倍五兩以上者將貨物一半入官充公一半補稅如走漏免單擔雜等貨核計銀數在五錢以

禁令一
下者止令完納正數者在五錢以上者均加
罰一倍

一海船到岸即將貨物盡實報官抽分若停歇
不報及雖報而不盡不實者分別治罪貨物
入官

一凡商賈到關先取官置號單備開貨物憑官
弔引照貨起稅如到關不弔引者同匿稅法
一各項商人出洋地方官查明真實姓名住居
地方及往何洋貿易取其里鄰甘結與印照

守口官弁驗准放行仍載入稽考簿內其從外洋販貨進口者亦必詳查人貨訊明經由何洋概行注冊

一出洋小本商民因風信屆期不能回籍請照在廣東者呈明南海縣該縣取具行戶船主保結給與印照行知該地方官備案回日仍赴原衙門銷照其舵水貨客有在番地帳目不清及別項事故者原給照衙門取具鄰船客商水手甘結移行地方官存案回日呈明

繳銷

右漏匿之禁

康熙二十四年議准番船貿易完日外國人員一併遣還不許久畱內地

右逗遛之禁

康熙二十四年議准貿易番船回國除一應禁物外不許搭帶內地人口及潛運造船大木鐵釘油麻等物

康熙五十七年議准澳門夷人夾帶中國之人

并內地商人偷往別國貿易者查出之日照例治罪

雍正三年議准附居廣東澳門之西洋人所有出洋商船每年出口時將照赴沿海該管營汛掛號守口官弁將船號人數姓名逐一驗明申報督撫存案如出口夾帶違禁貨物並將中國之人偷載出洋守口官弁徇情疎縱者革職至入口之時亦將船號人數姓名逐一驗明申報督撫存案除頭目遇有事故由該國發來更換

者准其更換外其無故前來者不許夾帶人口
及容留居住若稽察不到將守口及地方該管
各官照失察例議處又覆准西洋人附居澳門
如有夾帶違禁貨物并中國之人偷載出洋者
地方官照諱盜例革職

右人口船料之禁

康熙二十三年

詔開海禁其硝磺軍器等物仍不准出洋其時內閣學

士席柱奏福建廣東沿海居民情形

諭曰百姓樂於沿海居住原因海上可以貿易捕魚先
因海寇故海禁不開今海氛廓清更何所待下九卿
詹事科道議尋議准今海外平定臺灣澎湖設
立官兵駐劄直隸山東江南浙江福建廣東各
省先定海禁處分之例應盡行停止若有違禁
將硝磺軍器等物私載出洋貿易者仍照處分
其罪

康熙二十四年議准兵器向來禁止不准帶往
賣給外國但商人來往大洋若無防身軍器恐

被劫掠嗣後內地貿易商民所帶火礮軍器等
項應照船隻大小人數多寡該督酌量定數起
程時令海上收稅官員及防海口官員查照數
目准其帶往回時仍照原數查驗

康熙五十九年禁止出洋商船攜帶礮位軍器
乾隆三十四年二月

聖諭

向來硫磺出入海口俱係例禁原因磺斤係火藥
所需自不便令其私販若姦商以內地硝磺偷運出
洋或外來洋船私買內地硫磺載歸者必當實力盤

詰治罪乃定例於洋船進口時亦不許其私帶殊屬
無謂海外硫磺運至內地並無干礙遇有壓艙所帶
自可隨時收買備用於軍資亦屬有益何必於洋船
初來多此一番詰禁乎嗣後惟於海船出口時切實
稽查不許仍帶磺斤以防偷漏之弊違者照例究治
其各省洋船入口禁止壓帶硫磺之例槩行停止著
爲例

乾隆五十六年四月

聖諭福康安等奏稽查礮位酌定章程一摺內稱各國

來廣貿易洋船向有攜帶礮位刀鎗等項由粵海關
監督於該船出入虎門時查驗開報例准隨帶外其
本省商船領照出口無論遠赴夷地及赴各省貿易
均由守口文武員弁驗照放行不准攜帶礮位等語
已於摺內批示矣商船出洋攜帶礮位原爲洋面禦
盜之用不特各國來廣貿易商船未便禁止卽內地
出口商船概行不准攜帶礮位倘遇海面匪船行劫
臨時不能抵禦豈有轉令束手待斃之理況在洋行
劫者不獨內地匪徒想各國夷匪亦有糾約爲盜攜

帶鎗出沒海洋爲行旅之害而內地出洋商船內轉無礮位抵禦該商等卽不保護貨物亦各愛惜身命若拘泥禁止何以衛商旅而禦盜劫著福康安等卽飭令海口文武員弁祇須於商船出洋時將礮位稽查點驗後仍准其攜帶不可因噎廢食也

嘉慶元年四月

聖諭硝磺火藥例干嚴禁近來海洋盜匪每遇商船卽放礮爲號海洋非出硝磺之地此等硝磺若非奸徒偷賣盜匪又從何購覓是欲杜私販透漏情弊必先

於出產地地方嚴行查禁著傳諭各該督撫飭令地方官嚴行查察於官爲給照採辦之外毋許絲毫私售使奸徒不能販運偷賣而盜匪卽無從接濟該督撫等務當飭屬嚴禁毋得日久生懈

嘉慶十一年八月

聖

諭吳熊光等奏查明粵東硝磺情形籌辦透漏一摺據稱粵省產磺各廠煎解年久時逾缺乏查有夷船壓艙鹹沙一項亦可煎硝曾經辦理有案且洋船壓帶硫磺例准收買壓艙鹹沙較之倭磺更多若收買

不盡尤易透漏似應做照辦理應請俟夷船進口時
卽將壓艙鹹沙及所帶磺斤一并飭商認買俟二項
充足可備一二年之用將磺廠封閉硝廠亦一并暫
停採煎等語硝磺二項例禁綦嚴豈容稍有透漏今
盜船火藥甚多自應設法嚴防杜其接濟吳熊光等
請於進口洋船隨時詳驗將壓艙鹹沙及所帶磺斤
查明飭商認買以濟營用兼以杜透漏之弊亦是一
法著如所奏辦理但盜船之接濟其途甚多總須在
海口地方查察嚴密方免透漏如營汛兵丁卽有將

火藥賣給盜船之事前經節次降旨令於濱海各處嚴密稽查水米火藥等項出洋濟匪該督等仍當諄飭各營縣實力奉行方可以杜盜源而靖洋面勿任稍涉疎懈爲要

嘉慶十一年十一月

聖諭御史嚴烺奏稱廣東惠潮兩府奸民違例製造大船以取魚爲名遠出外洋接濟盜匪水米火藥州縣官利其港規不加查禁請飭廣東督撫將歸善等縣現有之違式大漁船查明若干印烙字號造冊申報

督撫存案嗣後大漁船遇有破漏者卽隨時報明地方官拆毀不准復修亦不許違例添造各等語粵省洋匪滋擾日久未能勦淨總由該處奸民接濟水米火藥著吳熊光等卽照該御史所奏實力查禁如有地方文武私得漁船港規縱令奸民通盜一經查出卽當據實叅辦至漁船每船應有若干人應帶水米若干自當予以限制今該御史稱水手人等不得過二十名祇許攜帶數日水米是否可行亦著查明辦理至漁船私濟盜匪粵省既有此弊福建浙江江南

山東等省均應一體查禁以清盜源將此傳諭各督撫知之

右軍器火藥之禁

內地銀兩毋許夷船偷運出洋責令地方文武會督各口員弁丁役實力稽查如有洋商人等將官銀私運夷船出洋及洋商找給夷商貨價攬用官銀者查出無論銀數多寡盡行充公仍照私運例治罪倘有洋行小夥不法匪徒將官銀偷載小艇暗運出口著責成大關總巡並佛

山虎門等處關口員弁巡船及巡洋舟師地方文武派撥巡船於各夷船將次回國時嚴密巡查遇有私載官銀立即拏解究明官銀來歷照例懲治倘由洋行中發出將該商加等治罪

夷商來粵貿易以貨易貨不能價適相符倘遇數行洋商找給夷商銀兩先合同赴粵海關監督衙門聯名出具並無攙和官銀甘結再行找給夷人收銀後倘經員役查出官銀即將找付官銀之行商嚴行治罪並將聯名出結之行商

一體治罪

雍正八年禁西洋海船毋得販黃金出洋又題
准嗣後有黃金販賣出洋者照鐵貨銅錢等物
私出外境下海律治罪其監督守口文武官弁
受賄故縱與犯人同罪失察者照例叅處

乾隆九年大學士伯鄂爾泰張廷玉奏言福建
道監察御史范廷楷奏稱聞得內地姦商私帶
制錢往海外各洋與諸番交易用數十文可易
番銀一圓獲利最重迨返舶之時或帶番餅或

買洋貨致制錢透漏散布彼地現今百千島嶼
星羅碁布無不行使制錢者又聞閩廣江浙凡
出口洋船無不夾帶制錢查例載私賣制錢下
海者杖一百海禁定例凡商船往來官給照票
并開貨單一紙今若將商船有無夾帶制錢點
驗貨單之時一體盤明原無煩擾仰請

皇上諄切飭諭沿海各省督撫提鎮等訪拏姦商從重
究治別經發覺將該督撫等加以處分奉

旨依議

嘉慶十九年

聖諭據蘇楞額奏嚴禁海洋私運一摺據稱近年以來

夷商賄運洋行商人藉護回夷兵盤費爲名每年將

內地銀兩偷運出洋至百數十萬之多該夷商已將

內地足色銀兩私運出洋復將低潮洋錢運進任意

欺朦商賈以致內地銀兩漸形短絀請旨飭禁等語

夷商交易原令彼此以貨物相准俾中外通易有無

以便民用若將內地銀兩每年偷運出洋百數十萬

歲積月累於國計民生均有關係著蔣攸銛祥紹查

明每歲夷商等偷運足色銀兩實有若干應如何酌定章程嚴密禁止會同妥議具奏總督蔣攸銛奏言

臣遵卽會同粵海關監督祥紹傳洋商伍敦元盧棣榮等嚴切究問當據稟稱紋銀出洋節經歷任監督示禁夷商來粵貿易向係以貨換貨彼此准定互易如有應找不敷尾數皆用洋錢每圓以七錢二分結算兩無加補實無偷運紋銀出洋情事復取各種洋錢煎試比較足色均在九成上下不致過於低潮弔查洋商貿易出

八貨簿嘉慶十七年進口貨價一千二百七萬
餘兩出口貨價一千五百一十餘萬兩十八年
進口貨價一千二百六十三萬餘兩出口貨價
一千二百九十三萬餘兩則所稱祇有找回洋
錢之語尙屬可信至於洋錢進口民間以其使
用簡便頗覺流通每年夷船帶來洋錢或二三
百萬圓或四五百萬員亦有數十萬圓不等現
在市價每圓換制錢七百二三十文若至浙江
江蘇等省可值制錢八百數十文江浙商民販

貨來粵銷售後間有徑帶回洋錢者此條該處
洋錢市價昂貴非由夷人擡價欺朦合無仰懇
天恩俯順輿情免其飭禁仍准照常行使以安夷商而
便民用奉

旨依議

道光二年二月掌貴州道監察御史黃中模奏
言竊查定例廣東洋商與夷人交易祇用貨物
不准用銀立法之意至爲深遠嘉慶十四年間
因有銀兩偷漏出洋之弊奉

旨飭查經總督百齡會同粵海關監督常顯奏明申禁
在案乃近因各省市肆銀價愈昂錢價愈賤小
民完糧納課均需以錢易銀其虧折咸以爲苦
臣細加探訪實因廣東洋面偷漏依然如故以
致內地銀兩漸少其價日增至偷漏之由係因
廣東民間喜用洋錢其風漸行於江浙等省於
是洋商私用紋銀收買洋錢與江浙茶客交易
作價反高於紋銀其洋船出口雖經兩廣總督
設有員弁巡查無如查弊之人卽作弊之人率

多貪徇陋規私行縱放廣東省城多有姦徒與
海口員弁素相交結包送貨船出洋是以肆無
忌憚此在洋商方自以爲得計殊不知洋錢鎔
化僅得七八成低銀洋商與夷人兌換則皆十
足紋銀而作價反低於洋錢暗中虧折殊甚况
天地之生財只有此數外洋日見其多內地日
見其少其紋銀一經出洋卽屬去而不返久之
內地紋銀缺少並不能以洋錢完糧納課所關
於民生者誠非淺鮮臣伏思洋商既用紋銀向

夷人收買洋錢卽不免用銀收買洋貨實屬違
例病民卽使各省茶客有需買洋錢洋商理應
仍用貨物向夷人收買轉售斷不可私用紋銀
應請

旨飭令廣東督撫暨海關監督嚴行查禁並密拏包
送洋船之姦徒有犯必懲若海口巡查之員有
能拏獲出洋銀兩者立加重賞如查有縱放之
員卽行叅革治罪庶幾偷漏之風可戢臣更聞
邇來鴉片煙流傳甚廣耗財傷生莫此爲甚相

應請

旨通飭各省關隘一體查拏如係何處拏獲卽應究明於何處行走所有各關縱放員弁加以嚴議如此則人人自顧考成或不致得錢賣放之弊而鴉片煙之源可絕內地民生永裕矣奉

上諭御史黃中模奏請嚴禁海洋偷漏銀兩一節所奏甚是定例廣東洋商與夷人交易祇用貨物收買轉貨不准用銀立法甚爲周備近因民間喜用洋錢洋商用銀向其收買致與江浙等省茶客交

易作價甚高並或用銀收買洋貨實屬違例病民不可不嚴行查禁著廣東督撫暨海關監督派委員認真巡查出口洋船不准偷漏銀兩仍不時查察如有縱放之員卽行叅革治罪至洋商與外夷勾通販賣鴉片煙重爲風俗之害皆由海關利其重稅隱忍不發以致流傳甚廣著該督撫密訪海關監督有無收受黑煙重稅據實奏聞並通飭各省關隘一體嚴密查拏如係何處拏獲卽應究明於何處行走所有各關縱放員弁卽叅辦示懲倘

該督撫訪察不力或瞻徇不奏別經發覺立即加之懲處務期洋船出入積弊革除以清關隘而裕民生

道光十三年四月

上諭前因給事中孫蘭枝奏江浙錢賤銀昂商民交困除弊各款當經降旨交陶澍等悉心籌議茲據陶澍林則徐酌籌利民除弊事宜分晰具奏所稱洋錢平價民間折耗滋多惟當設法以截其流一條洋錢行用內地非自近年勢難驟禁當從民便

之中示以限制其價不得浮於紋銀庶不致愈行
愈廣至請改鑄銀錢大變成法不成事體且洋錢
方禁止不暇豈有內地亦鑄之理耶所稱鴉片煙
進口潛易紋銀爲害最甚該督等務當委飭關津
營縣於洋船未經進口以前嚴加巡邏務絕其勾
串之源如有偷漏一經查出卽將謀利姦商得規
兵役加倍重懲法在必行方可除弊所稱紋銀出
洋請明定例禁一條刑部律例祇有黃金銅鐵出
洋治罪明文於紋銀未經議及著刑部酌定具奏

纂八則例頒行

是年十月刑部議奏言福建道監察御史黃衝
滋奏稱紋銀出洋有禁而洋銀無禁意以洋銀
本來自外洋不妨轉用出去而不知內地實積
有仿鑄洋錢之弊今日內地之洋銀卽內地之
紋銀也應請

敕下各省督撫實力稽查凡有仿鑄洋銀之犯卽照
私鑄銅錢科罪至刑部新定黃金出洋治罪專
條僅仿照偷運米穀出洋例似未允協等語臣

部議得懲創固責從嚴而情罪必期適當白銀出洋從前原無治罪專條前於奉

旨交議時經臣等查黃金白銀與米穀絲斤之類均係內地物產其偷運黃金白銀出洋與偷運米穀絲斤出洋情事相同是以卽照米穀絲斤出洋另立治罪專條仰蒙

允准通行各省在案所請應毋庸議奉

上諭前據御史黃爵滋奏紋銀應並禁出洋杜絕仿鑄從重科罪一招當交刑部妥議具奏茲據刑部

將仿鑄洋錢明定治罪科條具奏著照所議辦理
其禁止洋錢出洋交易事宜是否可行著沿海各
督撫體察情形妥議章程酌核具奏等因欽此嗣
經總督盧坤會同奏言伏查洋銀一項來自夷
船內地因其計枚定價不必較銀色之高低又
無需秤分兩之輕重遠行販賣便於攜帶是以
東南沿海各省市屢通行而粵東爲夷人貿易
之所行用尤廣大商小販無不以洋銀交易海
口出入向不查禁御史黃爵滋因內地每有仿

造洋銀卽與紋銀無異奏准將洋銀一併禁止
出洋原爲慎重海防起見臣等詳加體察並傳
洋商伍紹榮等查詢粵省洋銀出洋有內地商
賈攜帶者有外洋夷船攜帶者在內地商賈或
由別省載貨來售或由粵省攜帶往販多係航
海往還資本盈千累萬其中固多貿遷貨物而
有時無貨可販或貨少本多卽挾資而歸或攜
本往別省置貨制錢既難多帶金銀出洋又干
例禁勢不能不攜帶洋銀亦勢不能因商賈攜

有洋銀卽禁其不由海洋行走此內地商賈來往不能無出海之洋銀也至夷船載運洋銀來粵係備買貨找價之需所帶洋銀多寡不定其置買內地貨物或多或少亦聽其自便如進口貨多出口貨少該夷船所帶洋銀卽有餘剩勢不能禁其不仍帶回卽內地洋商與夷人交易除以茶葉大黃湖絲綉緞等物易換洋貨之外價值如有不敷既不便強令夷人添置貨物又不准官銀交兌向以番銀找給歷經奏明有案

既以番銀找給夷人卽不能禁其不載運回帆此
外洋夷人來往不能無出海之洋銀也是禁止
洋銀出洋於廣東夷商均有窒礙且恐因禁止
洋銀而轉致金銀偷漏更於海防非宜至內地
仿造番銀名爲土板其銀色成本原未必輕於
外洋而經紀交易向不行用卽間有攬入洋銀
行使者亦必挑出發換不特不能行之夷人卽
內地商賈亦不行使更不必因此爲紋銀出洋
之慮所有廣東省洋銀出入口應仍照舊章

辦理免其查禁謹合詞恭摺具奏奉

旨依議

右金銀制錢之禁

乾隆十四年浙江巡撫方觀承奏言竊照雍正五年准開南洋海禁以來商民俱得攜帶內地貨物前往貿易紅黃銅與銅器皆不在例禁之內緣南洋地不產銅商民販往稅輕而利重故販者日多查閱稅簿每年赴南洋貨買之大小銅器常至千百餘件黃紅銅一二萬斤不等伏

思滇銅洋銅竭力採辦恆不敷各省鼓鑄之用而民間日用必需之器具又皆仰給於此今各處錢價昂貴民用維艱實緣銅不充盈豈容復任肆販外洋相應請

旨飭部通行查禁嚴立科條犯者分別究治將銅貨入官並定關汛文武員弁失察故縱處分奉部議准

右銅之禁

內地商人私行夾帶不成器皿之鐵至五十斤

者將鐵入官百斤以上者照例治罪

雍正七年二月工部議准刑部尙書勵廷儀疏
請凡有將廢鐵潛入邊境及海洋販賣者一百
斤以下杖一百徒三年一百斤以上發邊衛充
軍若賣與外國及明知海寇賣與者絞監候沿
口近邊關隘官弁有徇私故縱該管上司題叅
雍正九年十二月

聖諭據廣東布政使楊永斌奏稱鐵器一項所關甚重
不許出境貨賣律有明條粵東出產鐵鍋凡洋船貨

賣歷來禁止乃夷船出口所買鐵鍋有自一百連至
二三百連甚至五百連者一千連者查鐵鍋一連約
重二十斤如一船帶至五百連千連卽無慮一二萬
斤計算每年出洋之鐵爲數甚多誠有關係嗣後請
照廢鐵之例一體嚴禁違者該商船戶人等卽照例
治罪官役通同徇縱亦照徇縱廢鐵例議處凡過洋
船出口仍交與海關監督一體稽察至於商船每日
煮食之鍋應照舊置用官役不得藉端勒索滋擾如
此則外洋之鐵不致日積日多於防竄杜弊之道似

有裨益至煮食器具銅錫砂鍋俱屬可用非必盡需
鐵鍋亦無不便外夷之處於朝廷柔懷遠人之德意
原無違礙等語鐵斤不許出洋例有明禁而廣東夷
船每年收買鐵鍋甚多則與禁鐵出洋之功令不符
矣楊永斌所奏甚是嗣後稽察禁止及官員處分商
人船戶治罪之處悉照所請行倘地方官弁視爲具
文奉行不力經朕訪聞或別經發覺定行從重議處
粵東旣行查禁則他省洋船出口之處亦當一體遵
行著該部通行曉諭著爲例

右鐵之禁

嘉慶十二年十二月初七日

聖諭朕聞粵海關每年出口白鉛爲數甚多白鉛一項因不能製造彈丸無關軍火之用向未立出洋明禁但係鼓鑄必需之物近年各直省錢局鉛斤日形短少自係販運出洋日多一日之故不可不定以限制以防流弊著傳諭常關即將粵海關每年出口白鉛查明數目大加裁減或竟可不令販運出洋奏明設禁停止亦無不可該監督務須體察利弊輕重會同

總督酌定章程不可貪圖小利因循滋患也將此傳諭知之欽此嗣於次年正月監督常顯奏言查白鉛一項每年出洋數目多寡不齊向不查禁亦無限制今欽奉

諭旨咨會督

臣

查明十年以內出洋細數內至少年分

七十餘萬斤至多年分三百三十餘萬斤其餘年分一二百萬斤不等關例載明照倭鉛例每百斤收正稅銀三錢加以耗擔歸公等款共收銀五錢六分七釐每年收白鉛稅銀約計四五

千兩至一萬數千兩不等伏思白鉛一項出洋由來已久雖徵稅有限實爲夷人歲需之貨今若一旦禁止不許出洋在遠夷無知不免心生疑慮似不足以昭體卹而示懷柔但白鉛爲內地鼓鑄必須之物誠如

聖諭不可不定以限制應請嗣後夷船回貨置買白鉛每年通計各船先以最少年分七十萬斤爲率查白鉛向於廣東佛山鎮地方憑洋商收買陸續運省報驗然後賣與夷人出洋嚴密稽查不

聞

許額外多帶如此酌定章程在夷人雖少帶白鉛仍得以照舊貿易而內地鼓鑄需用白鉛亦不虞短少似於錢局夷情兩有裨益報

嘉慶十七年廣東布政司曾煥移奉兩廣總督蔣候銛行據西洋國使攝理澳夷事務嚼嚙噉噉吃噪啼嚙嘍吐哩喊嘍稟稱白鉛一項為夷人所需向聽澳夷均同別貨一律就近澳門白浣鋪商採買自奉定例每年白鉛限以七十萬

斤出洋爲率澳夷離省隔涉素不與洋商交易
未知購運蓋被外洋夷船儘額買去澳船連年
缺買大小西洋各埠需用維艱是以於嘉慶十
四五年疊經督憲分撥額鉛三十萬斤歸澳船
買運批令自投洋商均勻撥買無如洋商多方
遏抑至今未蒙撥買據此查出洋白鉛欽奉

諭

旨飭令定以限制以防流弊久經奏明每年以買運

七十萬斤爲限不容稍有溢漏經前總督咨准
粵海關監督咨覆查澳門夷船每年征收稅餉

不過數萬餘兩尙不及黃埔十分之一今請以
征收稅餉多寡定勻撥白鉛斤數每年勻撥七
萬斤令澳夷自投洋商買運如此辦理既與原
奏相符亦不致澳夷向隅本司等伏查西洋澳
夷恭順

天朝百數十載所納稅餉積算已多况澳門夷船現
亦不少今僅撥給十分之一未免偏枯應照七
十萬斤之數撥給澳門夷船十分之二計白鉛
一十四萬斤其澳夷所稱免投洋商自赴收買

恐滋弊端應請照粵海關來咨飭令洋商每年
扣出十四萬斤以備澳夷承買

道光十二年七月戶部遵

旨議奏內閣抄出兩廣總督李鴻賓巡撫朱桂楨粵
海關監督中祥等會奏外夷各國均已產鉛無
須來粵販運請將報部出洋白鉛定額暫行停
止應如所奏即將前定出洋額數裁停以歸覈

實奉

旨粵東濱臨大海通洋水道甚多現在白鉛停止出

洋誠恐日久疎於防範以致奸商販運復有偷漏
營私等弊著該督等嚴飭關津要隘地方各隨時
認真巡查遇有私販鉛斤卽照違例分別嚴辦仍
於年終取具關廠各官並無出洋白鉛切實印結
送部查覈並酌定稽查章程報部覈辦以垂永久
而杜流弊

右白鉛之禁

粵海關志卷十七終

粵海圖志卷十八

禁令二

商販禁令

康熙四十七年都察院僉都御史勞之辨奏言江浙米價騰貴皆由內地之米爲奸商販往外洋之故請申飭海禁暫撤海關一概不許商船往來戶部議准自康熙二十二年開設海疆商民兩益不便禁止至奸商私販應令該督撫提鎮於江南崇明劉河浙江乍浦定海各口派兵

身法圖志卷之二
一
巡察除商人所帶食米外如違禁裝載五十石
以外販賣者其米入官文武官弁有私放者卽
行叅處

雍正六年福建巡撫高其倬奏准定出口船隻
所帶米石暹羅大船三百石中船二百石噶喇
巴大船二百五十石中船二百石呂宋等船大
船二百石中船一百石埭仔等處中船各一百
石如有偷漏以接濟外洋例論罪

雍正八年題准採捕漁船夾帶米穀皆由私牙

代置國戶豫積小船搬運停泊游移之故嗣後
米牙必擇身家殷實取鄰甲同行保結如串商
代買本人並濫保者一例治罪其海口居民多
行囤積私糶者鄰甲舉首免罪止究本人容隱
發覺並行連坐外來船均令進口停泊其各澳
小船令地方官按數查明編號入冊取具互結
令各營縣汛口官弁兵役實力稽查如有盤出
私米及首報者准其賞給十分之三在洋拏獲
者給半餘八官充公仍飭巡查兵役不得將海

口居民食米指稱私積詐害違者按律治罪

乾隆二年議准嗣後如有奸徒偷運米穀接濟外洋者照出洋船隻多帶米糧接濟外洋例擬絞立決其希圖厚利但將米穀偷運出口販賣並無接濟奸匪情弊者計算米一百石以上穀二百石以上照將鐵貨潛出海洋貨賣一百斤以上例發邊衛充軍米一百石以下穀二百石以下照越渡關津例杖一百徒三年至米不及十石穀不及二十石照違制律杖一百仍枷號

一箇月示警

又議准沿海地方內商出洋暨洋商入市每船
覈計人口及往返程期每人糴米日以升半爲
率毋許逾限

又覆准偷運麥豆雜糧出洋者照偷運米穀之
例科斷

右米之禁

嘉慶二十二年總督蔣攸銛奏稱福建之武夷
茶及由安徽入浙江之松羅茶爲西洋夷人必

需之物而各夷中又惟暎咭喇銷售更多從前
商人悉由江西內地販運來粵近因洋面平靖
希圖迅速漸改爲海運溯查嘉慶十八年始有
海運進口之茶七十六萬四千七百九十餘斤
至二十一年竟有六百七十二萬三千九十餘
斤所增之數已不啻十倍茶葉爲夷人生命所
關實爲控制之要道今若任聽商人慣由海運
難保無奸商串通黠夷於海中偏僻島嶼隨處
寄旋私相買賣又起運之時裝紮堅密多至盈

于累萬設有夾帶違禁之物亦無從覺察應請
敕下閩浙安徽各督撫嚴行查禁並出示曉諭產茶之
區及各海口自嘉慶二十三年爲始概令仍歸內
河過山販運以收控馭之益奉

聖諭閩皖商人販運武夷松羅茶赴粵省銷售向由內
河行走自嘉慶十八年漸由海道販運近則日益增
多洋面遼闊漫無稽查難保不夾帶違禁貨物私行
售賣從前該二省巡撫並不查禁殊屬疎懈念其事
屬已往姑免深究嗣後著福建安徽及經由入粵之

浙江三省巡撫嚴飭所屬廣爲出示曉諭所有販茶
赴粵之商人俱仍照舊例令由內河過嶺行走永禁
出洋販運儻有違禁私出海口者一經拏獲將該商
人治罪並將茶葉入官若不實力禁止仍聽私運出
洋別經發覺查明係由何處海口偷漏除將守口員
弁嚴叅外並將該巡撫懲處不貸漏稅事小通夷事
大不可不實心實力杜絕弊端也

右茶之禁

乾隆五十四年總督福康安遵

旨查禁大黃出洋取有各國大班依結酌定章程奏言
伏查粵東地處海疆多通洋面若大黃任其出
洋勢必輾轉入於俄羅斯國內自應亟爲設法
查禁但民間療疾在所必需防範過嚴又恐商
販裹足以致內地藥材短缺誠如

聖諭不可因噎廢食查大黃出產川陝二省商人運販
到粵於省城佛山兩處售賣每年約二十餘萬
斤其賣與洋行各國夷人約十餘萬斤內地各
府州地方亦約銷十餘萬斤至外洋各國與俄

羅斯海道一水可通難保無偷漏之事但各國
療疾亦所必需似未便竟行禁絕其西洋各國
應照琉球之例每年每國販買亦不得過五百
斤飭令省城洋行及澳門商人將售買大黃數
目及賣與何國夷人分晰列冊呈繳南海香山
二縣一面通詳一面移行守口文武員弁按察
稽查至暹羅一國與粵東向不通貿易大黃一
項嗣後應行禁止惟遇該國進貢之年貢船回
國時每次准其買帶五百斤俾資療疾其安南

聞

一國亦應照琉球之例每次貢使回國購帶五百斤卽以本年阮光顯等回國爲始報

乾隆五十七年戶部咨稱署兩廣總督郭世勳粵海關監督盛住奏稱啖咭喇咪喇啞等國夷商啖喇啞等稱說恭聞

天朝現准俄羅斯開關通市貨物內大黃一項實係各國治病要藥懇請照從前仍准各夷商買運免其限以五百斤定數其出產海龍等項皮張

亦懇准攜帶進口起貯省城售賣並請嗣後內
港出海船隻一律免禁所有應徵稅銀仍飭照
例輸納奉

硃批如所請行

右大黃之禁

乾隆二十四年議准各省絲斤紬緞違例出洋
分別治罪將船隻貨物入官失察之文武各官
議處

乾隆二十七年

聖諭蘇昌等奏喚咭喇夷商咱嚨等以絲斤禁止出洋
貨艱於成造籲懇代奏酌量准其配買情詞迫切
一摺前因出洋絲斤過多內地市值踴躍是以申明
限制俾裕官民織絨然自禁止出洋以來並未見絲
斤價平亦猶朕施恩特免米荳稅而米荳仍然價踴
也此蓋由於生齒日繁物價不得不貴有司恪守成
規不敢通融調劑致遠夷生計無資亦堪軫念著照
該督等所請循照東洋辦銅商船搭配綉緞之例每
船准其配買土絲五千斤二蠶湖絲三千斤以示加

惠外洋至意其頭蓋湖絲及紬綾緞疋仍禁止如舊
不得影射取戾

乾隆二十九年總督蘇昌會奏言粵省本港船
戶林長發等呈稱噶喇巴暹羅港口安南嗎嘓
叮噠叻舊港東捕寨等處各國夷民呈懇配買
絲斤紬緞請令每船酌帶土絲一千斤二疊湖
絲六百斤紬緞八折扣算疏下部議尋議內地
絲斤外洋勢所必需而海外銅斤可資內地應
照商船採辦銅斤之例准其配買絲斤紬緞隨帶

出洋易銅既使海外屬國同沐

皇仁而於內地鼓鑄亦有裨益其酌定數目並立法稽
查之處行令該督等詳議具奏到日再議嗣奉
諭旨據尹繼善等奏覆議弛洋禁絲斤以便民情一摺
前因內地絲斤紬緞等物價值漸昂經御史李兆鵬
等先後條奏請定出洋之禁以裕民用乃行之日久
而內地絲價仍未見減且有更貴者可見生齒繁衍
取多用宏蓋物情自然之勢非盡關出洋之故會降
旨江浙閩廣各督撫令其各就該省情形悉心體察

將應否卽行開禁之處詳悉妥議具奏今尹繼善等籌酌定議奏請弛禁而莊有恭並稱前撫浙時體察杭嘉湖三府民情亦以絲斤弛禁爲便等語江浙之情形如此則餘省亦可概見蓋緣出洋絲斤本係土絲及二三蠶粗糙之絲非腹地紬緞必須精好物料可比徒立出洋之禁則江浙所產粗絲轉不得利是無益於外洋而更有損於民計又何如照舊弛禁以天下之物供天下之用尤爲通商便民乎况所產廢絲旣不准出洋勢不得不充雜於頭蠶好絲之內一

體售賣於民間組織尤多未便且喚咭喇噶喇巴等國先後以纖維不供懇請賣給貨買俱已特旨准其酌帶配用是外洋諸國取給於蠶絲者正復不少亦宜一視同仁曲爲體卹現在新絲將屆收成所有出洋絲斤卽著弛禁仍遵照舊例行其各省情形或微有不同應作何酌定章程及設法稽查之處俟各該督撫奏齊時該部詳悉妥議具奏尋議採辦洋銅之官商范清洪額商楊裕和等每年出東洋額船十六隻應請每船准配二三蠶糙絲一千二百

斤按照紬緞舊額每一百二十斤抵紬緞一捲
扣算如願照舊攜帶紬緞者亦聽其便其非辦
銅商船仍不得援例夾帶其由江蘇省往閩粵
安南等處商船每船攜帶縵絲准以三百斤爲
限不得逾額多帶閩浙二省商船每船准配土
絲一千斤二蠶粗絲一千斤其紬緞紗羅及絲
綿等項照舊禁止至粵省外洋商船較他省爲
多其配往各洋絲斤出洋售賣者按年分覈算
其數目亦較他省加廣請令每船於舊准帶絲

八千斤外再准加帶麤絲二千斤連尺頭總以一萬斤爲率其頭蠶湖絲緞匹等項仍嚴行查禁不得影射夾帶滋弊

右絲斤紬緞之禁

外國來使不得私買違

制服色兵器史書一統志地里圖及凡違禁之物件送人員亦不得將違禁貨物私相貿易違者俱按律治罪

右書史之禁

乾隆四十三年四月

聖諭李侍堯奏前在粵省時見近年外洋脚船進口全載綿花頗爲行商之累因與監督德魁嚴行飭禁嗣後倘再混裝綿花入口不許交易定將原船押逐初不知緬地多產綿花今到滇後聞緬匪之宴共羊翁等處爲洋船收泊交易之所是緬地綿花悉從海道帶運似滇省閉關禁市有名無實等語所陳切中緬匪情弊著傳諭楊景素會同李質穎德魁於海口嚴行查禁如有裝載綿花船隻概不許其進口務實力

奉行勿以空言塞責仍不時留心訪察如有胥役等受賄私放者立即重治其罪

右綿花之禁

嘉慶十二年十月御史鄭士超奏粵東吏治廢弛奉

聖諭摺內條奏鴉片煙一項不遵例禁私販私銷起由聞粵延及各省以至京城內外應請嚴密查拏等語此雖屬事之小者然於地方風俗殊有關繫該省並不實力查禁可見積習因循毫無整頓著卽一律嚴

拏按法懲治並責令粵海關監督於洋船過口時稽查杜絕毋許偷漏干咎

嘉慶十六年三月湖北巡撫錢楷奏請飭禁外洋鴉片煙奉

聖諭著責成各處海關監督嚴加禁遏並交廣東福建浙江江蘇沿海各督撫認真查察嗣後海船有夾帶鴉片煙者立行查拏按律懲辦如委員胥吏有賣放情弊均予量懲倘竟透入內地貨賣一經發覺者窮究來從何處買自何人不得以買自不識姓名商船

塘塞朦混當將失察賣放之監督及委員人等一併懲辦

嘉慶十八年六月奉

諭自鴉片煙流入內地深爲風俗人心之害從前市井無賴之徒私藏服食乃近日侍衛官員等頗有食之者甚屬可惡沉湎荒淫自趨死路大有關係深惑人心不可不嚴行飭禁著刑部定立科條凡商販售賣鴉片者應作何治罪侍衛官員等買食者應議以何等罪名軍民人等買食者應議以何等罪名區別

輕重奏定後通行頒示俾羣知警戒以挽澆風欽此
嗣經刑部奏言臣部密辦買食鴉片煙之案因
例無正條俱照違制律杖一百法輕易犯實不
足以示懲儆自應欽遵

諭旨分別官民嚴立科條俾昭炯戒再內地鴉片煙未
能淨絕皆由各海關查察疎懈所致政貴清源
應請

敕交沿海各督撫及海關監督遇有海船進口認真搜
查有犯必懲奉

旨刑部議奏侍衛官員買食鴉片煙著革職杖一百枷號兩箇月軍民人等杖一百枷號一箇月均著照所議辦理近日侍衛官員中朕風聞卽有違禁買食者始因事未發覺免其查究若不知悔改將來或經舉發卽照新例懲辦不能寬貸再太監供役內廷聞亦有買食者其情節尤爲可惡著總管內務府大臣先道行曉諭如有違禁故犯者立行查拏枷號兩箇月發往黑龍江給該處官員爲奴至鴉片煙一項由外洋流入內地蠱惑人心戕害生命其禍與鴉毒無異

奸商嗜利販運陷溺多人皆由各處海關私縱偷越
前曾降旨各省海關監督等嚴行查禁乃數年來迄
未遏此並聞各海關竟有私徵鴉片煙稅銀者是竟
導奸民以販鬻之路無怪乎流毒愈熾也著再嚴飭
廣東福建浙江江蘇等省沿海各關如查有奸民私
販鴉片煙冒禁過關一經拏獲將鴉片煙拋棄入海
奸商按律治罪倘各關監督等陽奉陰違私收稅課
著該督撫實力查叅將該監督先行革職由驛具奏
朕必從重懲治其各處輾轉運販之徒並著五城順

天府步軍統領衙門及各直省督撫等一體嚴查按律究辦

嘉慶十九年五月初四日

聖諭本日崇祿等奏盤獲廣東貢生盧贊跟隨僕人張四攜帶鴉片煙一案已交刑部審辦矣鴉片煙其性至爲毒烈服之者皆邪慝之人恣意妄爲無所不至久之氣血耗竭必且促其壽命實與自餌鴆毒無異輾轉流傳最爲人心風俗之害其來由於番舶先至廣東進關後以漸販各省若粵海關各口查禁認真

不許絲毫透入內地則外夷商人皆知中國厲禁之物不能售賣獲利自必不復攜帶如仍有違禁私與中國商民交易者查出按例治罪杜其來源較之內地紛紛查拏實爲事半功倍再天主教絕滅倫理乃異端爲害之尤者此在西洋人自習其教原可置之不問若傳習內地民人不止大千例禁爲國家之隱憂貽害最大比白蓮教爲尤甚豈可不思深慮遠乎蔣攸銛等廣爲刊示曉諭該處沿海商民並來粵交易之西洋人等一體知悉如中國民人有私習天主

欽者地方官立即訪拏從重治罪其西洋人誘惑內地商民者一經究出拏獲一體治罪斷不寬貸務各凜遵例禁以熄邪說而正人心將此諭令知之

嘉慶二十年三月總督蔣攸銛會同粵海關監督祥紹奏言粵東州縣瀕海者十居六七而香山縣屬澳門地方爲西洋夷人賃居之所向來西洋夷船赴粵東販貨回澳並不經關查驗即將貨物運貯澳地俟賣貨時方行報驗納稅難保無夾帶違禁貨物之事臣等與海關監督臣

詳紹熟商鴉片煙雖來自外夷其販賣實由漢
奸如果漢奸異法則鴉片煙豈能不脛而走惟
流弊已非一日或地方文武畏從前失察處分
瞻顧因循勢所難免應請嗣後西洋貨船到澳
時先行查驗並明立賞罰凡拏獲鴉片煙之文
武委員等職應計其獲煙斤數給予議敘倘地
方官及管關委員並守口員弁膽敢得受陋規
徇情故縱立即特察拏問兵役人等挾嫌誣拏
卽治以誣良之罪似此酌定條規庶各知有懲

勸而查禁益昭慎密矣奉

聖諭鴉片煙一項流毒甚熾多由夷船夾帶而來嗣後西洋貨船至澳門時自應按船查驗杜絕來源至粵省行銷鴉片積弊已久地方官皆有失察處分恐伊等瞻顧因循查拏不力嗣後有拏獲鴉片煙之案除查明地方委員等有得規故縱情事應嚴叅辦理外其備止失察者竟當概行寬免處分至所請拏獲興販煙斤自二百斤至五十斤以上分別紀錄加級及送部引見軍民人等拏獲獎賞以及誣良治罪之處

俱著照該督等所請行

道光元年十月總督阮元粵海關監督達三會

奏言臣訪得鴉片煙來路大端有三一係大西

洋一係暎咭喇一係咪喇嚟大西洋住居澳門

每於赴本國置貨及赴別國貿易之時回帆夾

帶鴉片回粵偷銷暎咭喇鴉片訪係水手人等

私置其公司船主尙不敢自帶獨咪喇嚟因少

國王鈐束竟係船主自帶鴉片來粵嘉慶二十

年欽奉

聖諭如一船帶有鴉片卽將此一船貨物全行駁回不
准貿易原船卽逐回本國等因此誠正本清源之辦
法惟向來臣與監督衙門傳諭各國大班事件
俱發交洋行商人轉爲傳諭欽遵辦理蓋洋商
與夷人最爲切近夷船私帶鴉片卽能瞞臣等
之耳目斷不能瞞該商之耳目如果該商等不
徇情面遇有夷船夾帶卽稟明遵

旨駁回船貨不與貿易且於鴉片未來之前先期告
誡曉以利害夷人數萬里而來豈敢因夾帶違

禁物件自斷茶葉等項正經買賣如此官商同心合力辦理可冀此風漸息迺頻年以來從未見洋商稟辦一船洋商內伍敦元係總商居首之人各國夷情亦爲最熟今與衆商通同徇隱殊爲可惡相應請

旨將伍敦元所得議敘三品頂戴摘去責令率同衆洋商力爲杜絕以爲不實力稽查者戒奉

上諭鴉片流傳內地最爲人心風俗之害夷船私販偷銷例有明禁該洋商伍敦元並不隨時稟辦與

衆商通同徇隱情弊顯然著將伍敦元所得議敘
三品頂戴卽行摘去以示懲儆仍責令率同衆商
實力稽察如果經理得宜鴉片漸次杜絕再行奏
請賞還頂戴倘仍前疲玩或通同舞弊卽分別從
重治罪

道光二年十二月初八日

上諭御史尹佩棻奏請嚴禁私食鴉片煙據稱鴉片
煙之來福建浙江江南通海口地方俱有私帶總
以來自廣東者爲最一由於地方官不認真查拏

或差一二武弁巡查徒爲該弁肥囊之計一由於
粵海關之包稅洋船一到卽有包攬上稅者將煙
雇載漁船先行寄頓然後查船且聞鴉片非數換
不賣獨海巡兵丁不惜減價賣給居心尤爲可惡
等語鴉片流行內地大爲風俗人心之害民間私
販私食久干例禁節經降旨嚴飭稽查而此風未
盡革除總由海口守巡員弁賣放偷漏以致蔓延
滋甚著阮元達三於通海各口岸地方並關津渡
口無論官船民載逐一認真查拏毋任員弁稍有

捏飾倘查有奸民以多金包攬上稅及私運夾帶進口等弊立即從嚴懲辦以除積蠹總在有犯必懲慎勿日久生懈仍歸具文也

道光三年八月吏部兵部會奏言溯查嘉慶二十年欽奉

聖諭嗣後有拏獲鴉片煙之案除得規故縱嚴叅辦理外其僅止失察者竟當概行寬免處分欽此是以吏兵二部例內祇有嚴叅賄縱之例並無議處失察之條茲臣等公同酌議應請嗣後如有洋船

夾帶鴉片煙進口並奸民私種罌粟煎熬煙膏
開設煙館文職地方官及巡查委員如能自行
拏獲究辦免其議處武職該管地方官失察處
分亦請照文職畫一辦理奉

旨據吏兵二部奏請酌定失察鴉片煙條例鴉片煙
一項流毒甚熾總由地方官查拏不力所致向來
地方官祇有嚴叅賄縱之例並無失察之條且止
查禁海口洋船而於民間私熬煙斤未經議及條
例尙未周備嗣後如有洋船夾帶鴉片煙進口並

奸民私種罌粟煎熬煙膏開設煙館文職地方官
及巡查委員如能自行拏獲究辦免其議處其有
得規故縱者仍照舊例革職若止係失於覺察按
其煙斤多寡一百斤以上者該管文職罰俸一年
一千斤以上者降一級調用武職失察處分亦照
文職盡一辦理其文武官拏獲煙斤議敘均著照
舊例行

道光十一年二月

上諭前據給事中邵正笏奏近年內地姦民種賣鴉

片煙大夥小販到處分銷地方官並不實力查禁
當經降旨嚴飭各省督撫確切查明懲辦並將如
何嚴禁之處妥議章程具奏茲據阿勒清阿奏查
明山西省尙無栽種鴉片煙地方惟太谷平遙介
休各縣民人多在廣東及南省等處貿易日久沾
染頗有嗜食之人此煙既非晉省所產則係來自
外方自應責成各該地方官認真查拏使販者無
從託足則食者不禁而自絕著通諭各直省督撫
嚴飭所屬如有姦民種作鴉片煙隨時拏獲究辦

並飭令各關口及州縣文武各員嚴行查禁如有
姦商夾帶偷漏一經拏獲卽當究明來歷將偷漏
之關口暨失察之地方官一併交部議處如後任
及他人拏獲亦著將前任失於查拏之員交部議
處該地方官並不實力查拏及胥役人等有得規
故縱情弊著該督撫嚴叅究辦並令地方官按季
稟報查覈責成該管道府於年終出具所屬並無
種賣鴉片煙切實印結報明該督撫每年具奏一
次毋得日久視爲具文致干重咎

是年五月兵科給事中劉光三條奏請酌加買食鴉片煙罪名復經部議軍民買食杖一百枷號兩月仍令指出販賣之人查拏如有容隱將食煙人坐以販賣爲從例杖一百徒三年職官及在官人役加等治罪仍令督撫及道府州縣官出具署內並無買食甘結年終彙奏刑部又奏言據兩江總督陶澍等奏鴉片煙土惟嚴立科條重懲姦犯先絕其源販者無從託足則食者不禁而自絕查外來興販多由洋船夾帶蘇

省各海口關口有爲洋船之所必經者稽查尤
關緊要臣等迭經移咨各關監督並嚴飭各關
道實力查拏又經嚴飭各處守口員弁一體認
眞查察竊思煙土不能卽食必待熬汁而後成
販土可以瞞保甲於不知而熬煙則必爲街坊
所先覺稽查較易請嗣後熬煙人犯卽照製造
賭具例首犯問擬奉

旨依議

是年七月

上諭李鴻賓等奏查禁鴉片煙章程一摺鴉片煙來自外洋內地奸民近有將罌粟花栽種熬膏售賣漁利前已屢降諭旨通飭各直省督撫各就地方情形妥議章程嚴行查禁茲據李鴻賓等奏粵省惟潮州府屬間有種植罌粟花之事已飭地方官隨時剷拔以杜萌蘖正恐潮州府屬之外栽種者亦復不少至夷商夾帶入口奸民輾轉販賣廣東一省向爲尤甚若不杜絕來源以淨根株是以內地有用之財易外洋害人之物流毒方來伊於何

底該督撫等嚴飭所屬州縣如有奸民偷種私賣等事責令保甲人等首報勘明將地入官並拘犯卽照販賣鴉片煙例治罪並將徇隱之地保鄉約及族長人等分別枷責兵役得規包庇從重懲辦各州縣因公下鄉及編查保甲之便隨時認真察訪按季申報該管道府卽委員分往覆查於年終出具所屬甘結詳報該督撫每年終具奏一次至外洋夾帶煙泥進口販售尤當設法查拏重究務使弊端永絕方爲正本清源之道不可有名無實

日久視爲具文致干重咎

道光十四年總督盧坤巡撫祁墳監督彭年會
奏言奉

諭旨飭令查明鴉片煙延入內地之由爲拔本塞源
之計查近年鴉片行銷日盛皆由土棍駕駛快
艇透漏節經咨行舟師將在洋停泊夷船隨時
催令開行並嚴禁民船蛋艇與夷船交易接濟
并嚴拏走私土棍先後經各員弁在洋用鎗礮
擊沉快艇不少復據香山協迭次拏獲與夷船

交易民人及走私快蟹艇隻人船並起獲煙土業將辦理情形奏蒙

聖鑒在案欽奉前因查夷船來粵多在零丁外洋及磨刀洋面寄泊各該處均爲貿易商船進口出口必由之地寄泊夷船有卽時開行者亦有稱因探聽貨物行市及守風修楨延逗者該處遠在外洋離省數百里何船躉載鴉片巡洋兵船亦不能搜查確實未便於衆船聚泊之時遂用礮火轟擊致失

天朝懷柔之義其薏船一項常年在洋惟有於各國商船回帆以後查明如有在洋薏私船隻卽調集水師大加兵威嚴行驅逐第鴉片雖係夷船載來若無內地匪徒勾串販運該夷人卽有私貨亦從何行銷可見夷人全藉土販表裏爲姦則嚴拿走私尤爲扼要現在飭令香山協派撥巡船二隻在於夷船灣泊洋面常川巡查一切買賣食物民蛋船隻均不許攏近夷船私相交易以杜接濟遇有土棍駕駛快艇向夷船興販

鴉片及私買呢羽等貨卽時查拏解究並責成
內河營縣派撥巡船在於各海口及一切通海
港汊分定段落晝夜輪流巡緝遇有奸販偷越
進出卽行拏解各關口一體實力嚴查官弁量
予鼓勵兵役酌給獎賞如員弁疏於巡緝或兵
役得規故縱除兵役照例治罪外將該管官從
嚴叅辦仍飭地方官訪拏開設窩口土棍查鈔
嚴辦並飭洋商傳諭叻咭喇夷商互相查察如
有一船偷漏稅貨卽將眾船不准貿易使其彼

此自相稽察防閑更爲周密又片奏鴉片之害
屢經周諮博採有謂應仍照昔年舊章准其販
運入關加征稅銀以負易貨使夷人不能以無
稅之私貨售賣紋銀者有謂應弛內地栽種罌
粟之禁使吸煙者買食土膏夷人不能專利紋
銀仍在內地轉運不致出洋者其說均不無所
見然與禁令有違窒礙難行更有謂內地所得
不償所失不若從此閉關停止外夷貿易不知
夷人在粵貿易已閱二百餘年且亦不止嘆嗟

喇一國萬無閉關之理臣等受

恩深重固不敢畏葸苟安養癰貽患亦不敢徒設侈
言不顧全局悉心籌畫與其鋌而走險各處莫
延不若暫爲羈縻嚴加約束亦不致越駛他省
再行徐圖禁絕至偷漏稅貨重在各口嚴查不
在躉船之有無也奉

上諭廣東夷船私帶鴉片多在外洋售賣卽有內地
匪徒勾串販運經盧坤等嚴飭舟師將在洋停泊
夷船隨時催令開行並禁民船蛋艇與夷船交易

嚴拏走私土棍各等情但洋面眾船聚集之時難分玉石惟有於各國商船回帆以後查明如有在洋躉私船隻卽調集水師大加兵威嚴行驅逐仍飭令該管將弁派撥巡船二隻在夷船灣泊洋面常川巡緝一切民番艇隻均不許攏近夷船私相交易以杜接濟倘有土棍駕駛快艇向夷船興販鴉片及私買鴉片貨物卽查拏解究從重治罪並責成內河營縣派撥巡海在各海口及一切通海港汊分定段落晝夜輪流巡緝如有奸販偷越進

出卽行拏解各關口一體實力嚴查無論外海內
河拏獲走私漏稅人賊船艇卽照例奏請分別獎
勵倘員弁疎於查緝或兵役得規故縱除兵役照
例治罪外將該管官從嚴叅辦仍飭地方官訪拏
開設窰口土棍查鈔嚴懲如不認真辦理別經發
覺從重叅處並令洋商傳諭喚咭喇夷商互相查
察如有一船偷漏卽將我船一概不准貿易使其
彼此自相稽察防閑更爲周密盧坤等遇有此等
案情有犯必懲不准姑息更不可日久生懈視爲

具文又另片奏夷情爲利息是圖其私販已久必不甘心舍棄或伺官兵撤後復來或窮蹙竄駛他省等語該督等務當嚴加約束外則巡以舟師內則謹防海口使不致行銷無忌亦不致駛越他省總須相機妥辦嚴行禁絕方爲不負委任